

## Per trutgs e pitgognas dals 02-09-2011

**Proposta da Andri Poo**

### ***Chaminada da Scuol tras la chavorgia da la Clemgia – Avrona – Lai nair – Tarasp***

Durada: ca. 3 - 4 uras  
Differenza d'atezza: ca. 400 meters  
Lunghezza: 5 - 6 km  
Difficultads: buna senda, nagins impediments spezials, er ideal per famiglias

#### ***Ruta:***

Cun l'auto u cun meds publics arriv'ins a Scuol e parta davent da la halla da glatsch Gurlaina. Da là davent cumenza la senda che maina ins tras la chavorgia da la Clemgia. La senda passa tranter la chavorgia ora sur punts, en vischinanza da cascadas impressiunantas. Sch'ins parta a bun'ura chamin'ins pli u main en sumbriva. La senda n'è betg fitg stippa ed ideala da far era cun uffants pitschens. Fin si Avrona dov'ins ca. 1 ½ ura. Nossa proposta è da chaminar d'Avrona vinavant fin il lai Nair, anc ina giada ca. ½ ura. Tar il lai Nair datti la pussaivladad da brassar u far marena, ed era da far bogn en il lai. Rinfrestgà e sadulà pon ins cuntinuar la stippa fin a Tarasp (ca. 45 min) e va da là davent cun l'auto da posta en direcziun Scuol, noss punct da partenza.

#### Spezialitads da la tura:

- tura ch'ins po era far sch'igl è fitg chaud
- il lai Nair è in lieu da bellezza
- pussibilità da brassar e nudar
- ustaria cun terrassa